

Juan Bautista de Gamiz Bertso-Paper Lehiaketa abian da

GASTEIZ

Juan Bautista de Gamiz Bertso-Paper Lehiaketaren hirugarren edizioa abian jarri da eta lanak jasotzeko epea datorren abenduaren 10ean amaituko da. Gaztetxoei zuzendutako lehiaketa honen sari banaketa abenduaren 18an izango da Sabandoko (Araba) udaletxean eta bertso saio batekin batera. Arabako Bertsolari Eskolak antolatzen du, Arabako Foru Aldundiak babesten du eta Sabandoko Udala laguntzailea da.

Lehiaketa hiru ataletan banatuta dago, umeena, gaztetxoen eta gazteena, hain zuzen. Umeena eta gaztetxoen (14 urtera arte) Araba mugatuko da eta gazteena (15etik 18ra) Araba eta Bizkaia mailakoa izango da. Umeek bi koplak, gaztetxoek bi bertso eta gazteek 6-8 bertso egin beharko dituzte.

Lanak Gasteizko Bertso Eskolara bidali behar dira, Mateo Moraza kalea, 19 helbidera, hain zuzen.

'Plazara Dantzara' dantzaldia egingo dute Eibarren

EIBAR

Datorren larunbatean 'Plazara Dantzara' izeneko dantzaldia eskainiko dute Eibarko Untzaga plazan, aurtengo San Andres Jaien egitarauaren barnean. Ikuskari honek Deba Beheko hiru dantza talde elkartzeko dute bere barnean eta 250 dantzari inguruk hartuko dute parte dantzaldi horretan.

Elgoibarko Haritz, Debako Gure-Kai eta Eibarko Kezka dantzari taldeek osatzen dute 'Plazara Dantzara' eta hirurak talde bakarra balira bezala hartuko dute parte saioan. Dantzaldia, gainera, trikitilariak eta txistulariak jarriko duten musika eta giro lasai eta herrikoian egingo da. Saioa hil honen 27an izango da.

Bach Jaialdiaren XIV. edizioa gaur hasiko da Donostian eta Ordizian

Fabio Biondi biolin jolearen emanaldiak zabalduko du ekitaldia

Bach Jaialdiaren XIV. edizioa hasiko da gaur, Donostian eta Ordizian, Fabio Biondi biolin jolea eta Europa Galante taldeko zuzendariaren emanaldiarekin. Biondik Johan Sebastian Bach konpositorearen 'Sonata 2.a La minorrean' eta 'Partita 2 eta 3 Mi maiorrean eta Re minorrean' eskainiko ditu.

DONOSTIA

Johan Sebastian Bach konpositorearen eta bere garaikideen musika da Bach Jaialdiaren ardatza, eta Anner Bylisma biolontxelo jole holandarrak Bachen 'Biolontxelorako Suiteak' bai atzo bai gaur eskaintzea aurrikusita bazegoen ere emanaldia bertan behera geratu da Bylisma gaixotu egin delako.

Bach Jaialdiaren egitaraua aintzat hartuz gero, Ricercart Consort Belgikako taldeak 'Musika instrumentalaren kantatak XVII. mendean' emanaldia eskainiko du gaur. Ricercart Consort taldekideak dira: Philippe Pierlot, Piet Stryckers, Kaori Uemura eta Sophie Watillon biolin joleak; Siebe Henstra klabin jolea eta Greta de Reyghere sopranoa. Merula, Marazoli, Legrenzi, Shütz, Buxtehude, Scheidt eta Tunderren obrak joko dituzte hauek.

Europa Galante taldeak kontzertu bat eskainiko du Bach Jaialdian, eta bertan interpretatuko dituzten lanak Vivaldi, Sammartini eta Galuppi konpositore italiarrenak izango dira.

Bilbotar batek jaso du Akwarela Sari Nazionala

BILBO

Euskal akuarelistek jaso dituzte Madrilan egin den Akwarela Sari Nazionalen banatu diren hiru sariak. Juan Manuel Lumbreras Cañada artista bilbotarra rentzat izan da lehiaketa honetako sari nagusia. 'Mahai zuria' izeneko obra izan da aurtengo 17. aldiz egin den lehiaketa hau irabazi duen koadroaren izenburua. Lumbrerasen obra lengoia modernista batean egin dago, sobrietate handikoak eta eleganteak diren koloreekin. Frutero



Iazko ekitaldiko kontzertuek jende ugari bildu zuten.

Europa Galante taldea joan zen udan izan genuen gure artean. Orduan Musika Hamabostaldian parte hartu zuen eta baita izugarritzko arrakasta lortu ere.

Gipuzkoako Diputazioa klabezin baten jabe egin zen joan zen udan eta berau erabiliko da bai Europa Galantek egingo duen emanaldian bai Ricercart Consortenean. Pianoaren tankera duen instrumentu hau Pariseko Atelier Von Nagelek egin zuen.

NEW
COLLEGE
OXFORD

Bestalde, New College Oxford abesbatzaren kantu saioarekin emango zaio amaiera Bach Jaialdiari. Edward Higginbottomek zuzenduko du kontzertua eta Händel, Green, Boyce nahiz Purcellen obrak entzungo dira.

Gaur eta bihar egingo diren kontzertuak Donostiako udal txeko bilkura aretoan izango dira. Etzi, berriz, San Bizente elizan egingo da eta etzidamukoa, Santa

Maria Basilikan. Emanaldi guztiak iluntzeko zortzietan hasiko dira.

Ordizian, bestalde, ostegunean egingo da lehen kontzertua eta berau entzun nahi duenak Barrera Jauregira jo beharko du. Ostiraleko eta larunbateko kontzertuak aldiz Santa Maria parrokian izango dira iluntzeko zazpi terdietatik aurrera. Batetik Ricercart Consort eta Greta de Reyghere sopranoak, eta Europa Galante nahiz New College Oxford abesbatzak bestetik, eskainiko dituzte Ordiziako kontzertuak.

Diputazioako iturriek jakitera eman dutenez, aurtengo hamabi milioi pezeta (521.000 libera) bideratu dira Jaialdiko kontzertuak egiteko. Dirutza horretatik ia hamaika milioi pezeta Diputazioak berak eman ditu, eta gainontzekoa Ordiziako Udalak, Iberia-Aviaco enpresak eta British Council-ek. Aipatzekoa da, Bach Jaialdia enpresa pribatuak laguntzen duten lehen aldiz dela.

batzuekin eta beste zenbait gauzeekin apaindutako mahai bat azaltzen da koadro honetan.

Bigarren urtez jarraian euskal artistek jaso dituzte lehiaketa honetan banatzen diren sari guztiak. Bigarren saria Ricardo Perez Francok jaso du teknika ezearen bidez egindako akuarela batekin. Aipamen berezia berriz, Evencio Cortina pintorearentzat izan da. Cortinak Bilboko Ibaia azaltzen duen lan handiko akuarela bat aurkeztu zuen lehiaketara.

Espainian egiten den akuarelisten lehiaketa bakarra da Lum-

breras bilbotarrak irabazi duena. Izen handiko lehiaketa da eta horrela erakusten du aurtengo bertara aurkeztu diren 200 obrak. Aurkeztutako obra horietatik 22 izan dira azkeneko aukeratu direnak. Arte kritikoak, artista eta irakasleak izan dira lehiaketa honetako epaimahia osatu dutenak.

Saria jaso duten hiru artistak, Euskal Akuarelisten Elkarteak parteideak dira. Elkarte hau akuarelaren teknika berritzearen eta era guztietako estilo eta lengoietara irekitzearen aldeko mugimendu bat egiten ari da.

LABURREAN

ALFRED NOBELEN bizitza aurki pantaila handian

Vilgot Sjöman zuzendariak Alfred Nobelen bizitzari buruzko pelikula filmatuko du laister. Sandrews enpresak ekoiztuko du proiektua eta aurrekontua oso handia izango da Ipar Europako gainerako produkzio lanekin alderatuz gero: 800 milioi pezeta-34 milioi libera. Sjöman oso ezaguna egin zen orain dela bi urte eskas, 'Nyfiken Bla' (Hori bitxia) izenburuko filmeari esker.

VON TROTTAK lan berri bat egingo du Berlingo Harresiari buruz

Milaka berlingarrek hiriko harresiaren erorketa ikusi dute berriz ere Berlingo gune historikoan, Margarethe von Trotta zinemagilea filmatzen ari den pelikularen errodatze lanak direla eta. Von Trotta bikote baten bizimodua jasoko du bere proiektuan. Bi lagunek bananduta eman dituzte azken 30 urte hauek eta Harresiak zutik iraun zuen azken egunean elkarrekin topo egingo dute berriro.

CHRISTOPHER Frank idazle eta zinemagilea hil da

Christopher Frank idazle, errealizadore eta gidolari frantziarra ustekabean hil zen joan den larunbatean. Frank 51 urte zeuzkan. 'Mortelle' bere lehen eleberriarekin egin zen ezagun, eleberririk honek Hermes saria jaso baitzuen. 1972. urtean Renaudot saria jaso zuen, gero Truffautek filme bihurtu zuen 'La nuit américaine' lanarekin. n'oublier jamais'.

BAJO ULLOAREN azken filmak bi sari jaso ditu Stockholmen

'La madre muerta' Juanma Bajo Ulloa zuzendari gasteiztarren azken filmak bi sari jaso ditu Stockholmgoko Nazioarteko Zinema Jaialdian. Kritikak filme onenari eman dion saria izan da lehena. Bigarrena, aktore onenarentzako saria izan da eta Ana Alvarezek jaso du aipatu filmean egin duen lanagatik.



IRAGARKI MERKEAK (943) 46 90 22

31 x 15 mm

EGUN BAT 1.040 pta/42 l.
ASTEBETE 5.100 pta/208 l.
BI ASTE 9.000 pta/360 l.

31 x 33 mm

31x33
MODULO

EGUN BAT 2.100 pta/84 l.
ASTEBETE 10.200 pta/416 l.
BI ASTE 18.000 pta/720 l.
HILABETE 25.000 pta/1.010 l.

31 x 33ko
BI MODULO

EGUN BAT 4.200 pta/168 l.
ASTEBETE 20.400 pta/832 l.
BI ASTE 36.000 pta/1.440 l.
HILABETE 50.000 pta/2.200 l.

31 x 33ko
LAU MODULO

EGUN BAT 8.400 pta/336 l.
ASTEBETE 40.800 pta/1.664 l.
BI ASTE 72.000 pta/2.880 l.
HILABETE 100.000 pta/4.040 l.